


Ka Baibl na ka bynta ki Khyannah
ka wanrah

Ka Easter
banyngkong



La thoh da: Edward Hughes

La dro dur da: Janie Forest
Alastair Paterson

La shim kylliang da: Lyn Doerksen

La pynmih da: Bible for Children
www.M1914.org

©2021 Bible for Children, Inc.


License: Phi don ka hok ban copy lane ban shon ia kane
ka jingiathuhkhana, lada phim die ia ka.



Ka kynthei ka la ieng ha
sharing lum ba sawa,
ki khmat
basngewsih jong
ka ki khmih sha
ka jingjia
kaba ishyrkhei.



U khun jong ka, u ha tmier ka
jingiap. Kane ka kmie
ka dei ka Mari,
bad ka la ieng
hajan ka jaka
ha kaba la
sahnarphna
ia U Jisu.




Kumno kane baroh
ka la jia? Kumno ka
lah ban long ba ka
jingim ba-itynnat
jong U Jisu
ka kut ha
kane ka
rukom kaba
ishyrkhei?



Kumno U Blei u
shah ia la U Khun
ban shah sahnarphna
ban iap hangta?

Hato U
Jisu u la
leh bakla
shaphang kaei
kaba U la long?
Hato U Blei
u la bakla?



Em! U Blei um shym bakla.
U Jisu um shym la leh
kano kano kaba bakla. U
Jisu u tip biang biang ba
un sa shah pyniap ha ki
briew bymman. Wat
mynhaba U Jisu u
dang khunlung, u riew
tymmen uba kyr teng "u
Simeon" u la iathuh ha ka
Mari ba ka jingsngewsih
ka la ap lypa ha khmat.




Khyndiat sngi ha
shuwa ba yn pyniap
ia U Jisu, kawei ka
briew ka la wan bad
ka la theh ia ka jingsleh
bakordor halor ki kjat jong U.



"Ka la pynsep
ei ia ka peisa ka
tyngka," ki synran
ki la khñium.

"Ka la leh ia ka
kam babha," U Jisu u la
ong. "Ka la leh ia kane na
ka bynta ka jingtep ia nga."

A ki ktien kiba da phylla shisha!



Hadien kane, u Judas, uwei
na ki khat-ar ngut ki synran
jong U Jisu, u la mynjur
ban shet kylla ia U
Jisu ha ki rangbah
lyngdoh da 30 tylli
ki sbai rupa.




Ha ka Jingkhawai Niam Ka
Jinglait jong ki Jiw, U Jisu
u la iabam ia ka jingbam
miet bakhatduh bad la
ki synran. U la iathuh ha ki
ia kiei kiei shaphang U Blei
bad ia ki jingkular
jong U ia
kito kiba
ieit ia U.



Te U Jisu u la ai ia u kpu
bad ia ka khuri ha ki ba kin
iaioh bynta lem. Kine kin
dei ki dak ban pynkynmaw
ia ki, ba la ai ia ka met bad
ka snam jong U Jisu na ka
bynta ban pynioh ia ka
jingiohmap
ia ki pop.



Nangta U Jisu u la iathuh ia la ki synran
ba Un sa shah shet kylla bad ba ma ki
kin sa phet noh. "Ngan ym phet noh," u
Petros u la ban jur. "Ha shuwa ban kynih
u syiar, men len ia nga lai sien,"
la ong U Jisu.



Kham dier ha kata
ka miet, U Jisu u la
leit ban duwai ha ka
Kper Gethsemane.
Ki synran kiba la
i adon ryngkat lem
bad U ki la iohthiah.



"Ko Kpa jong nga,"
la duwai U Jisu,
"... Ai ba kane ka
khuri kan lait noh
na nga. Pynban,
ym ia kaba nga
mon, hynrei,
kumba Me mon."



Kynsan kynsan u paidbah ba la ialam da
u Judas, u la wan rung shapoh kata ka
kper. U Jisu um shym la pyneh,
hynrei, u Petros u la mait
ia ka shkor jong uwei u
briew. Jar jar, U Jisu
u la ktah ia ka shkor
jong uta u briew bad
U la pynkhiah ia u.
U Jisu u la tip ba ka
jingshah kem jong U ka
dei ka bynta jong ka mon U Blei.



U paidbah u la shim ia U Jisu bad leit
lam sha ka iing jong u rangbah lyngdoh.
Hangta, ki nongialam
jong ki Jiw ki la
ong ba U Jisu u dei
ban iap. Hajan
hangta, u Petros
u la ieng harud
ka ding ba la
pynmeh ki
shakri bad
u la peit.





Lai sien ki briew ki la khmih ia u Petros
bad ki la ong, "Me la iadon lem bad U
Jisu!" Lai sien u
Petros u la len ia
kata, kumba U
Jisu u la ong ba un
sa leh kumta.
U Petros u
da tim bad
smai ruh.



IH-IH-IH-OD


Kumta kumta hi,
u syiar u la kynih.
İa u Petros, kane ka la
long kum ka sur jong U
Blei. Haba u la kynmaw
ia ki kyntien jong U Jisu,
u Petros u la iam
kthang shibun eh.






U Judas ruh u la sngewsih.
U la tip ba U Jisu um shym
la shah rem na kano
kano ka pop lane ka
kam sniew.





U Judas u la leit lam pat
ia ki 30 tylli ki sbai rupa,
hynrei, ki lyngdoh kim
treh shuh ban shim.



A colorful illustration of a landscape. In the foreground, a large tree trunk is on the right, with a thick, braided rope tied to a branch and hanging down. The background shows rolling hills in shades of brown and green under a bright blue sky. In the bottom right corner, there is a small red heart icon on a black background.

U Judas u la bret sha
madan ia kita ki sbai
rupa, u la mih noh
shabar - bad u la
phasi ia lade.


Ki lyngdoh ki la wallam ia
U Jisu ha khmat jong u
Pilat, u lyngskor jong ka
hima Rom.



U Pilat u la ong, "Ngam
shem kano kano ka
jingpalat ha une u briew."
Hynrei, ki paidbah
ki la iai pyrta,
"Sahnarphna ia U!
Sahnarphna ia U!"




Ha kaba khatduh u Pilat u la
kohnguh, bad u la rai pynrem
ia U Jisu ban iap halor ka
diengphna. Ki shipai ki la
kura ia U Jisu, ki la
bynthiew ha ka khmat jong
u, bad ki la sympat ia U.




Ki la thaw ia ka pansngiat
kaba don ki shiah bajrong
bad ki la phrung jubor halor
ka khlieh jong U. Nangta,
ki la sahnar ia U halor ka
diengphna ban iap.



U Jisu u tip biang biang ba U sa iap ha
kata ka rukom. U la tip ruh ba ka
jingiap jong U kan wanrah ka
jingiohmap ia ki
nongpop kiba buh ia
la ka jingshaniah ha U.



Ar ngut ki nongkam sniew la sahnarphna
ha syndah jong U Jisu. Uwei na ki, u la
ngeit ha U Jisu - bad u
la leit sha ka Paradais.
Uwei pat um shym
la ngeit.



Hadien ki kynta ka jingshah
shitom, U Jisu u la ong,
"La pyndep," bad U
la iap. La pyndep
ia ka kam
jong U.

Ki paralok jong
U ki la tep ia U
ha ka krem
jingtep jong
uwei u briew.



Nangta ki shipai Rom
ki la shon muhor
pynskhem bad ki
la ap phira ia ka
krem jingtep.



Mynta, ym don mano
mano ba lah ban
leit rung shapoh
- lane ban
mih shabar.



Lada kane kan dei kaba kut
jong ka jingiathuhkhana,
katno kan jin da la
long kaba sngewsih.
Hynrei, U Blei u
la leh ia kaei
kaei baphylla.

U Jisu um
shym la long
sah uba iap!




Dang step phyrngap ha
ka step jong ka sngi
nyngkong jong ka
taiew, katto katne
na ki synran
jong U Jisu ki
la shem ba la
pyntyllun noh



ia u mawkhang
na ka krem
jingtep.



Haba ki la jngoh
shapoh, U Jisu
um shym la
don shuh hangta.




Kawei ka kynthei ka la nang
don hangta, ka da iam
harud ka krem jingtep.
U Jisu u la mihpaw ha ka!



Ka la mareh pat da ka jingkmen
eh ban iathuh ha kiwei pat
ki synran, "U JISU U IM!
U JISU U LA MIHPAT
NA KI BAÏAPI!"





Shen U Jisu u la wan ha la ki synran, bad
u la pyni ha ki ia la ki kti ba la don ki
dien prek. Ka la long kaba shisha.

U JISU U LA IMPAT SHISHA!

U la map ia u Petros uba la len noh ia U,
bad u la bthah ia la ki synran ba kin
iathuh ia baroh shaphang jong U.

Nangta u la leit phai pat sha bneng, ka
jaka na kaba u la lah wan.



Ka Easter banyngkong

Ka jingiathuhkhana na Ka Ktien U Blei,
ka Baibl,

la shem ha

Mathaios 26-28, Loukas 22-24,
İoannis 13-21

"Ka jingrung Ki Ktien jong Me ka ai
jingshai." Salm 119:130



Ka Bakut



Kane ka jingiathuhkhana na ka Baibl ka iathuh ha
ngi shaphang U Blei jong ngi U baphylla, uba la
thaw ia ngi bad uba kwah ia phi ban ithuh ia U.

U Blei u tip ba ngi la leh ia kiei kiei ki basniew,
kiba U khot "Ka Pop". Ka jingpynshitom ia ka pop
ka dei ka jingiap, hynrei, U Blei u ieit ia phi haduh
katta katta, ha kaba U la phah ia la U Khun ba
tang marwei jong U, U Jisu keiñ, ban shahiap
halor Ka Diengphna bad ban shah pynshitom na ka
bynta ki pop jong phi. Nangta pat, U Jisu u la
mihpat bad U la kiew noh sha Bneng! Lada phi
ngeit ha U Jisu bad kyrpad ia U ban map ia ki pop
jong phi, Un leh kumta! Un wan bad shong hapoh
jong phi mynta, bad phin iai im junom bad U.



Lada phi ngeit ba kane ka dei ka jingshisha,
ong ia kane ha U Blei:

Jisu baieit, nga ngeit ba me long U Blei, bad ba
me la wan long briew ban iap na ka bynta ki pop
jong nga, bad mynta me im pat. Sngewbha wan
hapoh ka jingim jong nga bad to map ia ki pop
jong nga, khnang ba ngan lah ban ioh mynta ka
jingim bathymmai, bad kumta ha kawei ka sngi
ngan sa ioh leit bad long lem bad me junom. To
iarap ia nga ba ngan lah ban kohnguh ia me bad
ban im na ka bynta jong me kum i khun jong me.
Amen.

Pule ia ka Baibl bad iakren bad U
Blei man la ka sngi! İoan. 3:16

